

虚受堂前汉书补注

陳勝項籍傳第一

服虔曰傳次其時之先後耳不曰賢智功之大也師古曰雖次時之先後亦曰事類相從如

江充息夫躬與蒯通同傳賈山與路溫舒同傳嚴助與賈捐之同傳之類是也

漢書三十一

漢

蘭

臺

令

史班

固

撰

唐正議大夫行祕書少監瑯琊縣開國子顏師古注

賜進士出身翰林院編修國子監祭酒加三級

臣

王先謙補注

陳勝字涉陽城人

師古曰地理志屬汝南郡補注齊召南曰志屬潁川不屬汝南顏注誤錢大昕曰汝南潁川皆

有陽城縣汝南之陽城為侯國宣帝時始置此當是潁川之陽城

先謙曰潁川陽城在今河南府登封縣東南三十五里

皆謂故城秦世後不復出秦世吳廣字叔陽夏人也

師古曰地理志屬淮陽夏音工雅反補注先謙曰秦時無

淮陽陽夏蓋是楚郡所屬今陳州府太康縣治

勝少時嘗與人傭耕

師古曰與人與人俱傭耕謂受其雇直

而為之耕言賣功傭也

輟耕之壟上

師古曰輟止也之往也壟上謂田中之高處

悵然甚久曰苟

富貴無相忘

師古曰但一人富貴不問彼此皆不相忘也

傭者笑而應曰若為傭耕何

富貴也勝太息曰嗟乎燕雀安知鴻鵠之志哉

師古曰鴻大鳥也水居鵠黃鵠也一

舉千里鵠音胡督反補注沈欽韓曰呂覽長利篇秦二世元年秋

今使燕雀為鴻鵠鳳皇慮則必不得矣與此意同

七月發閭左戍漁陽九百人師古曰閭里門也發閭左之人皆遣

陽漁陽縣今順天府勝廣皆為屯長師古曰人所聚曰屯為其長

密雲縣西南三十里有次當行至蘄大澤鄉補注先謙曰蘄漢沛郡縣秦屬泗水郡今鳳陽府宿州南大澤鄉名會天大

雨道不通度已失期失期法斬師古曰度謂量計之音大各反勝廣迺謀曰今亡

亦死舉大計亦死等死死國可乎補注先謙曰史記索隱謂欲經營圖國假使不成而敗猶愈為

戍卒勝曰天下苦秦久矣吾聞二世少子不當立補注王先慎曰索隱姚氏按隱

而死士遺章邯書云李斯為二世廢十七兄而立今王則二世是始皇第十八子當立者乃公子扶蘇扶蘇

已數諫故不得立上使外將兵師古曰數音所角反下皆類此今或聞無罪二世

殺之百姓多聞其賢未知其死如淳曰扶蘇自殺故人不知其死或曰為不知何坐而死故天下冤

二世殺之師古曰如或說皆非也此言我聞二世已殺扶蘇矣而百姓皆未知之故勝廣舉事許自稱扶蘇耳補注先謙曰官本注無也項燕為楚將數有功師古曰燕音一千反愛士卒楚人憐之或曰為在

補注沈欽韓曰楚世家六國年表王翦傳並言先殺將軍項燕後虜荆王負芻獨始皇紀言二十二年虜荆王項燕立昌平君為荆王二十四年王翦蒙武破荆軍昌平君死項燕遂自殺推校陳勝言或以項燕為在者則始皇紀作自殺為是若先一年為秦所殺楚人豈得不知乎先謙曰史記作或以為死或曰為亡今誠曰吾眾為天下倡宜多應者師古

曰倡讀曰唱謂首號令也補注先謙曰史記眾下有詐自稱公子扶蘇項燕九字官本顏注在宜上廣曰為然迺行

卜卜者知其指意曰足下事皆成有功然足下卜之鬼乎李奇曰卜者誠

曰所卜事雖成當死為鬼惡指斥言而勝失其指反依鬼神起怪也蘇林曰狐鳴祠中即是也如淳曰曰鬼道威眾乎或但用人事也師古曰李如之說皆非也卜者云事成有功然須假託鬼神乃可暴起耳故勝廣曉此意則為魚書狐鳴曰威眾耳補注沈欽韓曰列子說符篇楚人鬼而越人機張湛注信鬼神與機祥呂覽異寶篇荆人畏鬼越人信機此卜者語勝廣之意也先謙曰官本注無或字曉勝廣喜念鬼補注先謙曰索隱念思也謂思念欲假鬼神之事曰此敎我先威

眾耳迺丹書帛曰陳勝王置人所罾魚腹中師古曰罾魚網也形如仰繳蓋四維而舉

之音卒買魚烹食得書已怪之矣師古曰亨音普庚反又間令廣之次所旁

叢祠中夜篝火狐鳴呼曰大楚興陳勝王鄭氏曰閒謂竊令人行也張晏曰戍人所止處

也叢鬼所憑也師古曰張說非也此言密於廣所次舍處旁側叢
祠中爲之非戍人所止處也叢謂草木岑蔚者也祠神祠也構謂
結起也呼音火故反補注宋祁曰旁音步浪反王念孫曰張說是
也下文言卒皆夜驚恐則此次所明是戍卒所止處非廣所止處
也且構火狐鳴所以驚戍卒也若非戍卒所止處則構火狐鳴何
爲乎沈欽韓曰古者二十五家爲閭閻各立社卽擇其木之茂者
爲位故名樹爲社又爲叢也六韜略地篇社叢勿伐墨子明鬼篇
建國營都必擇木之修茂者以爲叢位秦策應侯謂昭王曰亦聞
恆思有神叢與此叢爲社之證張說是顏說非也史記作篝火篝
構通用字方言篝謂之牆居郭云今熏籠也蓋置火其中使隱約
若篝火而爲狐鳴也顏謂火結起解爲束苴之義

亦非先謙曰史記次下有近字旁如字讀亦通

卒皆夜驚恐旦

日卒中往往指曰勝廣師古曰指而私目視之補注劉奉世曰案
然則衍廣字王念孫曰此文本作旦日卒中往往指曰勝句廣素
愛人士卒多爲用上文皆曰陳勝王故卒指曰勝而廣不與廣素
得士卒心故忿尉辱己以激怒眾而勝不與史記作旦日卒中往
往語皆指目陳勝句吳廣素愛人士卒多爲用者是其證今本指
目勝下有廣字廣素愛人上

勝廣素愛人士卒多爲用將尉醉師古

又有勝字則與上下文不合
口將尉者其官本尉耳時領戍人故爲將尉補注吳仁傑曰左傳
闔閭傷將指正義謂大指爲將指者言其將領諸指也足之用力
大指爲多故足以大指爲將指於時有兩尉故以其大者爲將尉
猶以大指爲將指也晉語祁奚爲軍尉謂之元尉亦以有佐尉故

爾將元皆訓大先謙曰索隱尉官也漢舊儀大縣三人其尉將屯九百人故云將尉廣故數言欲亡忿尉令

辱之曰激怒其眾尉果笞廣尉劍挺廣起奪而殺尉師古曰挺拔也尉劍自拔

出廣因奪取之勝佐之并殺兩尉召令徒屬曰公等遇雨皆已失期當斬

藉弟令毋斬服虔曰藉猶借也弟使也應劭曰藉吏士名藉也弟次也言今失期當斬就使藉弟幸得不斬戍死者固

十六七也蘇林曰藉假弟且也晉灼曰酈食其傳弟言之外戚傳弟一見我蘇說是也師古曰服應說弟義皆非也晉氏意頗近之

而猶未得漢書諸言弟者甚眾弟但也語有緩急耳言但令無斬也今俗人語稱但者急言之則音如弟矣酈食其外戚傳所云弟

者皆謂但耳義非且也補注先謙曰官本弟皆作第史記集解引服說作藉假也第次第也與此異應讀藉為籍失之索隱以蘇說

為而戍死者固什六七且壯士不死則已死則舉大名耳補注先謙曰大

名即謂侯王之屬項籍傳眾欲立陳嬰侯王將相寧有種乎師古

為王嬰母言暴得大名不祥是其證也

求之而得不必盾胄徒屬皆曰敬受令迺詐稱公子扶蘇項燕從民望也袒

右稱大楚師古曰袒右者脫右肩之衣當時取異於凡眾也補注

與我誅者袒右本書周勃誅諸呂又以為劉者左袒令於眾蓋左右無所區別但以卜一時眾心之從違耳王氏應麟引儀禮覲禮

左右袒以證周勃事則陳勝倉卒造亂得暇講明禮制乎為壇而盟祭吕尉首尉古曰吕所殺尉之首祭神也

勝自立為將軍廣為都尉攻大澤鄉拔之收兵而攻蕘蕘下補注

曰索隱下也迺令符離人葛嬰補注先謙曰符離沛郡將兵徇蕘吕東

李奇曰徇略也師攻銓鄧苦柘譙皆下之師古曰五縣名也銓音

古曰音似峻反注先謙曰銓今宿州南四十六里鄧今歸德府永城縣西南苦今

鹿邑縣東七十里柘今柘城縣北譙今潁州府亳州治銓鄧譙屬

沛郡縣苦柘沛郡縣苦柘行收兵比至陳師古曰比音必寐反補注先謙曰比

屬漢淮陽國史記作北陳漢淮陽縣今陳州府淮

寧縣兵車六七百乘騎千餘卒數萬人攻陳陳守令皆不在師古

郡守也令縣令也補注劉放曰案秦不以陳為郡何庸有守乎疑

衍皆字又守者非正官權守者耳先謙曰胡三省云秦分天下為

郡縣郡置守尉監縣置令丞尉原父曰此守為權守之守良是遷

固二史作守令皆不在通鑑作守尉皆不在蓋二史令下缺尉字

而通鑑尉上缺令字也先謙案陳是秦楚郡獨守丞與戰譙門中

治故有守有令顏說是也漢為淮陽國治

晉灼曰譙門義闕師古曰守丞謂郡丞之居守者一曰郡守之丞

故曰守丞譙門謂門上為高樓已望者耳樓一名譙故謂美麗之

樓為麗譙譙亦呼為巢所謂巢車者亦於兵革之上為樓以望敵

也譙巢聲相近本一物也今流俗書本譙下有城字非也此自陳

耳非譙之城譙城前已下矣補注劉奉世曰門名譙陳與譙隣門去譙路者也先謙曰譙劉說是守丞顏前說是官本注革作車是

不勝守丞死迺入據陳數日號召三老豪桀會計事師古曰號令召呼之皆

曰將軍身被堅執銳師古曰堅堅甲也銳利兵也伐無道誅暴秦復立楚之社

稷功宜為王勝迺立為王號為張楚劉德曰若云張大楚國也張晏曰先是楚為秦滅已弛今

立楚為張也師古曰張說是也補注錢大昭曰閩本號下無為字王念孫曰張耳陳餘傳陳王今以張大楚以瞋則劉說不誤先謙

曰張楚即大楚也廣雅釋詁張大也號下官本無為字於是諸郡縣苦秦吏暴皆殺其長吏

將已應勝迺已廣為假王監諸將已西擊滎陽補注周壽昌曰滎陽屬河南郡在秦

為三川郡李斯子由所守葉德輝曰文選曹子建贈丁儀王粲詩注引楚漢春秋吳廣說陳涉曰王引兵西擊則野無交兵先謙曰

滎陽今開封府滎澤縣西南十七里令陳人武臣張耳陳餘徇趙汝陰人鄧宗徇九

江郡補注先謙曰汝陰縣漢屬汝南郡今潁州府阜陽縣治當此時楚兵數千人為聚者不

可勝數師古曰聚音材喻反葛嬰至東城立襄彊為楚王師古曰東城縣名地理志屬九江郡

補注先謙曰今鳳陽府定遠縣東南後聞勝已立因殺襄彊還報至陳勝殺嬰令魏

人周市北徇魏地

師古曰即梁地非河東之魏也

廣圍滎陽李由為三川守守滎

陽廣不能下勝徵國之豪桀與計

師古曰徵召也

已上蔡人房君蔡賜為

上柱國

鄭氏曰房君官號也姓蔡名賜晉灼曰張耳傳言相國房君是也師古曰房君者封邑之名非官號也補注先謙曰

上蔡漢汝南縣今汝寧府上蔡縣西十里上柱國楚官見齊楚策漢汝南有吳房縣本房子國是蔡賜封邑

周文陳賢

人也嘗為項燕軍視日

文穎曰周文即周章也服虔曰視日旁氣也如淳曰視日時吉凶舉動之占師古曰

視日如說是也補注沈欽韓曰藝文志天文家有視日旁氣事春周壽昌曰高紀應劭注周章字文此變文稱字下又云周章

申君應劭曰楚相黃歇

自言習兵勝與之將軍印西擊秦行收兵至關車

千乘卒十萬

補注王先和曰張耳陳餘劉向傳並云周文將卒百萬史記淮南王安傳云周章之兵百二十萬蓋是當時號稱之數不如

此傳為得其實

至戲軍焉

師古曰戲水名在新豐東音許宜反解具在高紀

秦令少府

章邯免驪山徒人奴產子

服虔曰家人之產奴也師古曰奴產子猶今人云家生奴也

悉發已

擊楚軍大敗之周文走出關止屯曹陽

晉灼曰亭名也在弘農東十三里魏武帝改為好陽

師古曰曹水之陽也其水出陝縣西南峴頭山而北流入河今謂之好陽澗在陝縣西四十五里補注先謙曰陝宏農縣今陝州曹

陽詳地

二月餘

補注葉德輝曰史記月表二世元年九月周文兵至戲敗走二年十一月周文死此云二月餘與表

合陳涉世家作二三月亦約計之秦以章邯追敗之復走黽池師古

曰黽音湏補注先謙曰黽池十餘日章邯擊大破之周文自剄軍

遂不戰武臣至邯鄲自立為趙王陳餘為大將軍張耳召騷為左

右丞相師古曰召勝怒捕繫武臣等家室欲誅之柱國曰秦未亡

而誅趙王將相家屬此生一秦師古曰言為讎敵與秦無異補注宋祁曰案張耳傳作相國房君諫

先謙曰即此柱國也文偶異耳不如因立之勝迺遣使者賀趙而徙繫武臣等家

屬宮中師古曰徙居宮中示優禮而封張耳子敖為成都君補注先謙

曰史記正義成都蜀郡縣涉遙封之案以上文房君例之成都自是封邑然涉何事取名遠郡張說非也後漢南陽郡有成都縣當

即敖封邑故因趣趙兵亟入關師古曰趣讀曰促趙王將相相與

謀曰王王趙非楚意也楚已誅秦必加兵於趙計莫如毋西兵師古

曰勿令兵西出也使使北徇燕地呂白廣趙南據大河北有燕代楚雖勝

秦不敢制趙若不勝秦必重趙

師古曰重謂尊重也

趙承秦楚之敝可呂得

志於天下

補注沈欽韓曰案此仍策士之故智六國之所以亡者正以人人欲安坐而乘其敝巧爲自便而蹙縮以至漸

滅張陳號稱國士觀其始終言論與宋義等耳項王云趙舉而秦強何敝之乘此固英雄也

趙王曰爲然因不

西兵而遣故上谷卒史韓廣將兵北徇燕

張晏曰卒史曹史也

燕地貴人豪

桀謂韓廣曰

補注王先慎曰地字當在上文北徇燕下燕地貴人當爲燕故貴人故貴人謂昔六國時燕貴人而今失

勢者如李廣傳故將軍之比若此秦時燕地無所謂貴人也疑轉寫者脫故字誤移地字實之史記地作故上燕下有地字卽其證

楚趙皆已立王燕雖小亦萬乘之國也願將軍立爲王韓廣曰廣

母在趙不可燕人曰趙方西憂秦南憂楚其力不能禁我且呂楚

之強不敢害趙王將相之家今趙又安敢害將軍之家乎

補注錢大昭曰

閩本又作獨無之字南監本作獨有之字王先慎曰史記與監本同無乎字先謙曰官本與閩本同

韓廣曰爲然迺

自立爲燕王居數月趙奉燕王母家屬歸之是時諸將徇地者不

可勝數周市北至狄

師古曰縣名也後漢安帝時改名臨濟補注先謙曰狄漢干乘縣秦屬齊郡

狄人

田儋殺狄令自立為齊王反擊周市市軍散還至魏地立魏後故

甯陵君咎為魏王

應劭曰魏諸公子名咎欲立六國後以樹黨也

咎在勝所不得之魏魏

地已定欲立周市為王市不肯使者五反

師古曰反謂回還也

勝迺立甯陵

君為魏王遣之國周市為相將軍田臧等相與謀曰周章軍已破

服虔曰周章即周文

秦兵且至我守滎陽城不能下

補注先謙曰史記且作旦暮守作圍

秦軍

至必大敗不如少遺兵足已守滎陽

師古曰遺留也

悉精兵迎秦軍

師古曰悉

盡也

今假王驕不知兵權不可與計非誅之事恐敗因相與矯陳王

令已誅吳廣

師古曰矯詐也託言受令也

獻其首於勝勝使賜田臧楚令尹印

使為上將田臧迺使諸將李歸等守滎陽城自己精兵西迎秦軍

於敖倉與戰田臧死軍破章邯進擊李歸等滎陽下破之李歸死

陽城人鄧說將兵居郊

師古曰說讀曰悅郊東海縣也音談補注先謙曰官本考證云索隱此時章邯軍未

至東海此郊恐當作郊正義郊今汝州郊縣地鄧說陽城人陽城與郊地相近先謙案陽城郊並潁川縣陽城今河南府登封縣東

南三十五里今汝州郊縣治章邯別將擊破之補注劉攽曰案是時章邯方至

是耳先謙曰說已詳上鄧說走陳銍人五逢將兵居許章邯擊破

之五逢亦走陳補注先謙曰史記五逢作伍徐王引之云徐與逢聲相近故字相通案漢書伍姓勝誅鄧說勝初立時凌人秦嘉銍

皆作五許潁川縣今許州治

人董縹符離人朱雞石取慮人鄭布徐人丁疾等皆特起張晏曰凌泗水

縣也銍符離沛縣也取慮徐臨淮縣也師古曰縹音先列反取音趨又音秋慮音廬補注先謙曰凌縣今徐州府宿遷縣東南五十

里取慮今徐州府睢寧縣西南徐將兵圍東海守於郯補注先謙曰據史記

縣今泗州盱眙縣西北八十里

守名慶郯東海縣今沂州勝聞迺使武平君畔為將軍張晏曰監

郯下軍秦嘉自立為大司馬惡屬人師古曰不欲告軍吏曰武平

君年少不知兵事勿聽因矯呂王命殺武平君畔章邯已破五逢

擊陳柱國房君死章邯又進擊陳西張賀軍勝出臨戰補注錢大昭曰軍下

閩本有敗字先謙曰史記臨作軍破張賀死臘月張晏曰秦之臘

監於義為長疑字形相近而誤

墳曰建丑之月也師古曰史記云胡亥二年十月勝之汝陰還至

誅葛嬰十一月周文死十二月陳涉死墳說是也其御莊

下城父師古曰下城父地名在城父縣東父音甫補注齊

賈殺勝已降秦葬碭諡曰隱王勝故涓人將軍呂臣為蒼頭軍應

曰涓人如謁者將軍姓呂名臣也時軍皆著青巾故曰蒼頭服虔

曰蒼頭謂士卒青帛巾若赤眉之號呂相別也師古曰涓潔也涓

人主潔除之人涓音蠲補注沈欽韓曰吳語楚靈王呼涓人起新

疇呂覽淫辭篇荆柱國莊伯令涓人取冠楚有此官舊矣

陽師古曰縣名也屬汝南郡補注先謙攻陳下之殺莊賈復已陳

曰今潁州府太和縣西北六十里

為楚初勝令銍人宋留將兵定南陽入武關留已徇南陽聞勝死

南陽復為秦師古曰為音于偽反補注先謙曰上以陳為楚索隱

云為如字讀此為字亦當如字讀言復為秦地也

宋留不能入武關迺東至新蔡遇秦軍宋留已軍降秦秦傳留至

咸陽車裂留已徇師古曰徇行示也呂示秦嘉等聞勝軍敗迺立

景駒為楚王引兵之方與師古曰之往也方與縣名也方音房與

音豫補注先謙曰方與山陽縣今濟甯

州魚臺縣北欲擊秦軍濟陰下補注齊召南曰案史記作定陶下据志

濟陰郡名至後始立則史記作定陶是也使公孫慶使齊王欲與并力俱進齊王曰陳

王戰敗未知其死生楚安得不請而立王公孫慶曰齊不請楚而

立王楚何故請齊而立王且楚首事當令於天下師古曰首事謂最先兵起補注

先謙曰官本兵起作起兵田儋殺公孫慶秦左右校復攻陳下之呂將軍走微

兵復聚如淳曰微要也微要散卒復相聚斂也師古曰微音工堯反補注周壽昌曰復相聚耳如兼訓斂則非矣先謙曰官

本注無與番盜英布相遇番盜番音蒲何反其後番字改作鄱

攻擊秦左右校破之青波文穎曰地名也補注沈欽韓曰青波即青陂也淮水注淮水東逕白城南楚白

公勝之邑也東北去白亭十里又東逕長陵城南又東青陂水注之分青陂東瀆東南逕白亭西

輿地記蔡州懷信縣東北有白亭明縣一統志青陂在汝甯府新蔡縣西南接息縣界久廢復已陳為楚會項梁立懷王孫心為

楚王陳勝王凡六月初為王其故人嘗與傭耕者聞之迺之陳叩

宮門曰吾欲見涉宮門令欲縛之自辯數迺置師古曰辯數謂自分別其姓名也并

歷道與涉故舊之事故舍而不縛也數音山羽反不肯為通勝出遮道而呼涉師古曰呼謂大喚也

音火故反迺召見載與歸入宮見殿屋帷帳客曰夥涉之為王沈沈者

應劭曰夥音禍沈沈宮室深邃之貌也沈音長含反補注周壽昌

曰夥史記作夥頤服虔云楚人謂多為夥又言頤者助聲之辭也

謂涉為王宮殿帷帳庶物夥多驚而偉之故稱夥頤也案說文繫

傳裸字注引史曰裸乎涉之為王黹黹者也裸即夥亦無頤字但

夥訓多用為驚訝之辭無頤字則音義俱未足頤與貽音同西都

賦猶愕貽而不能階李注貽驚貌今楚人乍見物之盛多者驚呼

曰阿噫俗轉作呵呀皆此楚人謂多為夥補注周壽昌曰方言凡

音也從史記有頤字是故天下傳之夥涉為王由陳涉始補注先謙曰

郊楚魏之際曰夥故天下傳之夥涉為王由陳涉始漢世相傳鄙

非獨楚語然矣語客出入愈益發舒言勝故情或言客愚無知專妄言輕威勝斬

之諸故人皆自引去由是無親勝者曰朱防為中正補注先謙曰

則防是胡武為司過補注沈欽韓曰趙世家武主司羣臣謙曰司

防之誤胡武為司過靈王少置左右司過三人主司羣臣謙曰司

讀曰諸將徇地至令之不是者繫而罪之曰苛察為忠其所不善

者不下吏輒自治師古曰不曰付吏勝信用之諸將曰故不親附

此其所已敗也勝雖已死其所置遣侯王將相竟亡秦高祖時為

勝置守冢于碣

補注先謙曰史記云三十家

至今血食王莽敗迺絕

師古曰至今血食者

司馬遷作史記本語也莽敗迺絕者班固之詞也於文為衍蓋失不刪耳補注吳仁傑曰史通云陳涉世家稱其子孫至今血食漢書涉傳乃具載遷文即如是豈陳氏苗裔祚流東京乎余案高帝詔楚隱王亡後其與守冢十家則勝固亡後矣世家初不著子孫兩字不知劉知幾何以言之句踐表會稽山以為范蠡奉邑事正類此蓋使尸而祝之耳郊祀志顏注祭有牲牢故言血食宋景文作高朕贊云與文偶祠血食千古此為得遷固遺意蓋不必其子孫然後血食也

項籍字羽下相人也

韋昭曰臨淮縣補注先謙曰今徐州府宿遷縣西七里

初起年二十四

其季父梁梁父即楚名將項燕者也

補注錢大昭曰漢紀云故楚將項燕之孫

家世楚

將封於項

師古曰即今項城縣補注先謙曰項汝南縣今陳州府項城縣東北

故姓項氏籍少時學

書不成去學劍又不成去梁怒之籍曰書足記姓名而已劍一人

敵不足學學萬人敵耳於是梁奇其意迺教以兵法籍大喜略知

其意又不肯竟

補注何焯曰藝文志兵法形勢中有項王一篇黥布置陣如項籍軍高祖望而惡之蓋治兵置陣是

其所長故能力戰摧鋒而不足於權謀其後往來奔命卒為人乘其罷而蹈之所謂略知其意而不竟者也

梁嘗有櫟